

Script Of Evening Gojri News Bulletin 26July 2024 at 1700 Hrs

ایوننگ گو جری نیوز بلیٹن مورخہ 26 جولائی 2024

یوہ آکا شوانی جموں بے محبوب سلطانی تے غلام سرورتیں خبر سنو۔ پہلاں خاص خاص
خبر۔

*1۔ وزیر اعظم نریندر مو دی نے کرگل جنگ غا جوانان نانہ اعزا زتوں نوازیو تے 25 ویں
وجئے دیوس ور شنکن لا ٹنل پروجیکٹ غو آغاز کیو۔ انہاں نے کہیو جے پاکستان ماضی
غی اپنی پیڑی کوششاں مانہ ناکام رہیو بے۔ لیکن دہشت گردی غی مدد سنگ اپنا آپ نانہ
متعلقہ رکھن غی کوشش کر رہیو بے۔

*2۔ امرناتھ یا ترا غا سلسلہ مانہ پہلا 28 دناں تہاڑاں مانہ 4 لکھ 36 ہزار یا تریاں نے
بابا برفانی غا درشن کیا ہیں۔ جموں بنیا دی کیمپ تیں 25 سو یا تریاں ور مشتمل تازو
قافلو روانہ ہوؤ بے۔

*3۔ پیرس الیمپکس 2024 غی افتتاحی تقریب اج فرانس مانہ دریا نے سین کنارے منعقد ہو
رہی بے۔

*4۔ تے خواتین ایشیا کپ غا سیمی فائنل مانہ بھارت نے بنگلہ دیش نانہ 10 وکٹاں نال
برا غے فائنل مانہ جگہ بنا لی بے۔

خبراں غی تفصیل نال پہلاں محبوب سلطانی۔

PM Vijay Diwas

وزیر اعظم نریندر مو دی نے آج دراس مانہ کرگل وجئے دیوس غی 25 ویں سالگراہ ور
کرگل جنگ مانہ شہید ہوا بہا در جوانان نانہ خراج عقیدت پیش کیو بے۔ بھارتی فوج غا
سربراہ جنرل اپندرہ دوویدی، فضائی عملہ غا سربراہ چیف مارشل وی آر چودھری تے
سمندری فوج غا سربراہ ایڈما نرل دنیش کے تریپٹھی نے کرگل جنگی یا دگار ور جوانان
نانہ خراج عقیدت پیش کیو بے۔ اجتماع سنگ خطاب کرتاں واں وزیر اعظم مو دی نے
کہیو جے لداخ غی عظیم سرزمین کرگل وجئے دیوس غی 25 ویں سالگراہ غی گواہ بے۔
انہاں نے کہیو جے کرگل وجئے دیوس ہمنان دسے جے قوم غی خاطر دتی گئی قربانی
بمیشہ رہن آلی ہیں۔ جموں کشمیر مانہ حالیہ دہشت گرداناں حملان ور پاکستان غی تنقید
کرتاں واں جناب مو دی نے کہیو پاکستان ماضی غی اپنی تمام پیڑی کوششاں مانہ
ناکام رہیو بے۔ لیکن دہشت گردی سنگ اپنا آپ نانہ مشغول رکھن غی کوشش کر رہیو
بے۔ انہاں نے کہیو۔۔۔ باٹ۔

PM Shinkun La Tunnel

وزیر اعظم نریندر مو دی نے عملی طور ور لداخ مانہ شنکن لا ٹنل پروجیکٹ مانہ پہلا
دھماکہ غی شروعات کی بے۔ یوہ پروجیکٹ لہیہ سنگ رابطہ نانہ خراب موسم غے دوران
بہتر بنان مانہ خاصو اہم وے گو۔ شنکن لا ٹنل پروجیکٹ 4 عشاریہ 1 کلو میٹر لمی دو
ٹیوب سرنگاں ور مشتمل بے۔ جہیڑو لہیہ نانہ موسمی رابطہ فراہم کرن واسطے نیمو پدم
درچہ روڈ ور تقریباً 15 ہزار 8 سو فٹ غی بلندی ور تعمیر کیو جا رہیو بے۔ اس پروجیکٹ
غا مکمل ہون توں بعد یوہ دنیا غی سب توں اچو ٹنل وے گو۔ شنکن لا ٹنل نانہ صرف ملک
غی مسلح افواج تے سامان غی تیز رفتاری تے موثر نقل و حرکت نانہ یقینی بناوے گو

بلکہ لداک غی اقتصادی تے سماجی ترقی نانہہ وی فروغ دے گو۔ اس موقعہ ور خطاب کرتاں واں جناب مو دی نے کہیو۔۔۔ بائٹ۔۔۔

Prez Vijay Diwas

صدر جمہوریہ درویدی مرمو نے کرگل وجئے دیوس ور مسلح افواج نانہہ خراج عقیدت پیش کیو ہے۔ اک سماجی میڈیا پوسٹ مانہہ محترمہ نے بھارتی مسلح افواج غی بے مثال بہادری غو اعتراف کیو ہے۔ انہاں نے 1999 مانہہ کرگل غی چوٹیاں ور ملک غی کاظر اپنی شہادت دین آلاں غی قربانی نانہہ یا دکیو ہے۔

Rajnath Vijay Diwas

وزیر دفاع راجناتھ سنگھ نے مسلح افواج گا جواناں نانہہ زبردست خراج عقیدت پیش کی جنہاں نے 25 سال قبل کرگل جنگ غے دوران ملک غی سرزمین غی دفاع واسطے سخت بہادری غو مظاہرہ کیو تھو۔ 25 ویں کرگل وجئے دیوس گا موقعہ ور وزیر دفاع نے اج نویں دہلی مانہہ قومی جنگی یادگار مانہہ کرگل جنگ غا جاں بازاں نانہہ پھلاں غی چادر چڑھائی تے خراج عقیدت پیش کی۔ اس تیں علاوہ فوج گا نائب چیف لیفٹنٹ جنرل سی این راجا سبرامنی، فضائیہ غا نائب چیف ایڈمائٹل کے سوامی ناتھن، بھارتی ہونی فورس غا نائب چیف ایر مارشل اے پی سنگھ تے سی آئی ایس ایف غا لیفٹنٹ جنرل جانسن پی میتھیو نے وی کرگل جنگ مانہہ جان قربان کرن آلاں فوجیاں غی بہادری نانہہ خراج عقیدت پیش کی۔ واضح رہے جے 26 جولائی 1999 مانہہ بھارتی نے لداخ مانہہ کرگل غی ہر فیلی بلندیاں ور تقریباً 3 مہیناں غی طویل جنگ تیں بعد فتح حاصل کر غے آپریشن وجئے غو کامیابی سنگ خاتمہ غو اعلان کیو تھو۔ تے اس سلسلہ مانہہ اس دن یعنی 26 جولائی نانہہ کرگل وجئے دیوس غے طور ور منایو جا نے تا جے جنگ مانہہ بھارت غی پاکستان ور فتح حاصل ہون غی یاد منائی جا سکے۔

HM Vijay Diwas

وزیر داخلہ امت شاہ نے اک کارگل وجئے دیوس غا موقعہ ور فوج غا بہادر جواناں غی بہادری نانہہ یاد کیو۔ اک سماجی میڈیا پوسٹ مانہہ وزیر داخلہ نے کہیو کہ ہمالیہ غی ناقابل رسائی پہاڑیاں ور انتہائی بہادری غو مظاہرہ کرن تے دشمن غی فوج نانہہ بہادری نال جواب دین ور فوجی جواناں غو شکریہ ادا کیو۔ ان غو کہنو تھو کہ فوجی جواناں نے کرگل مانہہ اک بار پھر ترنگو لہرا غے ملک غو سر فخر نال بلند کیو تھو۔ اس سلسلہ مانہہ وزیر داخلہ نے اس جنگ مانہہ فوجی جواناں غی ہمت نانہہ سلام پیش کیو تے کہیو کہ قوم ان جواناں غی قربانی نانہہ ہمیشہ یاد رکھے گی۔

Vaishnav Vijay Diwas

اطلاعات و نشریات غا مرکزی وزیر اشونی ویشنو نے اج کارگل وجئے دیوس غا موقعہ ور شہیداں نانہہ خراج عقیدت پیش کیو ہے۔ نوی دہلی مانہہ ذرائع ابلاغ غا نمائنداں سنگ گل کرتاں واں جناب ویشنو نے کہیو جے وزیر اعظم نریندرمودی غی قیادت مانہہ بھارتی دفاعی شعبہ مانہہ خوف کفیل ہو رہیو ہے۔ انہاں نے مزید کہیو جے پچھلا 10 سالان مانہہ 70 فیصد دفاعی سامان بھارت مانہہ تیار کیو گیو ہے۔ جناب ویشنو نے کہیو جے بھارت 25 ہزار کروڑ غو دفاعی سامان 80 ملکان نانہہ فراہم کر رہیو ہے۔ وزیر

موصوف نے الزام لاتاں واں کہیو جے کا نگریس غی حکومت مانہہ سرحدی علاقان مانہہ سڑک نہیں بنائی گئی تھیں جد کہ اج 6 ہزار 8 سو کلو میٹر توں متی سڑک سرحدی علاقان مانہہ بنائی گئی ہیں۔

Parliament Vijay Diwas

پا رلیمان غا دوہاں ایواناں مانہہ اج کرگل جنگ غے دوران بہا دری نال لڑن آلا بہا در فوجیاں نانہہ خراج عقیدت پیش کی گئی۔ لوک سبھا مانہہ اسپیکر اوم برلہ نے فوجیاں غی ہمت تے قربانیاں نانہہ یا د کرتاں واں کہیو کہ ان فوجی جواناں نے بے مثال بہا دری غو مظاہرو کیو تھو۔ 25 واں کر گل وجے دیوس غا موقع ور جناب برلہ نے کہیو کہ یوہ ایوان ان فوجی جواناں غی بہا دری نانہہ خراج عقیدت پیش کرے جہیڑا جے فوج واسطے بہا دری نال لڑیا تھا۔ اس سلسلہ مانہہ راجیہ سبھا غا چیرمین جگدیپ دھنکڑ نے کہیو بے کہ قوم کرگل وجے دیوس غی 25 ویں سالگراہ منا رہی ہے۔ انہاں نے کہیو کہ یوہ ایوان مسلح افواج غی عزم اور بہا دری نانہہ سلام پیش کرے جنہاں نے کرگل غا ناسازگار موسمی حالات تے دشواریاں غے دوران فتح حاصل کی تھی۔ اس طرح پا رلیمان غا دوہاں ایواناں مانہہ جنگ غے دوران جان گنوان آلا فوجیاں غی یا د مانہہ خاموشی وی اختیار کی گئی۔

LG Vijay Diwas

لیفٹنٹ گو رنر منوج سنہا نے سال 1999 غی کرگل جنگ مانہہ شہید ہون آلاں نانہہ خراج عقیدت پیش کیو ہے۔ مہارا اکاشوانی جموں غا نامہ نگار نے خبر ٹوری بے جے ایل جی موصوف نے سماجی میڈیا غی ویب سائٹ ایکس ور اپنا پیغام مانہہ کہیو جے آپریشن وجے مانہہ ملک غی کاظر اپنی جاناں غو نذرانو پیش کرن آلا تمام جواناں ہوں خراج عقیدت پیش کروں۔ قابل ذکر ہے جے 26 جو لانی 1999 مانہہ فوج نے پاکستان سنگ 3 مہینہ طویل جنگ نانہہ ختم کرتاں واں جیت غو اعلان کیو تھو۔ اس توں بعد پاکستان ور اس جنگ مانہہ بھارت غی جیت نانہہ یا د رکھن غا سلسلہ مانہہ وجے دیوس منا یو جا نے۔

یہ خبر تم آکا شوانی جموں تیں سن رہیا ہیں خبراں غا باقی حصہ نال غلام سرور۔

JK Amarnath Yatra

شری امرناتھ جی یا تریاں گو 29 ووں جتھو جہیڑو 2 ہزار 5 سو 66 یا تریاں ور مشتمل تھو اج بھگوتی نگر یا تری نواس بنیا دی کیمپ توں وادی کشمیر واسطے روانہ ہو گیو ہے۔ کڑا حفاظتی بندو بست اندر 84 گڈیاں غا قافلہ مانہہ روانہ ہون آلا اس جتھا مانہہ 1 ہزار 8 سو 77 مر د، 5 سو 77 کالسرین، 12 بچہ، 95 سادھو تے 5 سادھوی شامل تھیں۔ جن وچوں 8 سو 55 بالتال بنیا دی کیمپ واسطے جد کہ 1 ہزار 6 سو 81 پہلگام واسطے روانہ ہوا ہیں۔ جتوں اگے وی پو تر گفہ در اپنو سفر شروع کریں گا۔ پچھلے سال 4 لکھ 50 ہزار غے مقابلے بن توڑی 4 لکھ 36 ہزار توں متا یا تریاں نے 3 ہزار 8 سو 80 میٹر غی اونچائی ور واقعہ بابا برفناری غی پو تر گفہ غا درشن کر لیا ہیں۔ واضع رہ جے جون 28 نانہہ لیفٹنٹ گو رنر منوج سنہا غی طرفوں جموں تیں امرناتھ یا تریاں گا پہلا جتھا نانہہ جھنڈی دس غے روانہ کرن توں بعد بن توڑی 3 لکھ 14 ہزار 59 یا تریاں نے کشمیر در اپنو سفر شروع کیو ہے۔ 52 تہاڑاں ور مشتمل یا ترا جہیڑی کہ بالتال تے پہلگام توں 29 جون نانہہ شروع ہوئی تھی 19 اگست نانہہ ختم وے گی۔

India Paris Olympics

پیرس اولمپکس 2024 غو باقاعدہ آغاز اچ شام دریا نے سین غے کنارے ہون آلی افتتاحی تقریب سنگ وے گو۔ اس سال پیرس اولمپکس کھیڈاں مانہ 1924 اولمپکس غی صد سالہ تقریب غو انعقاد کیو جا نے گو۔ اس تیں پہلا بھارت نے کل اپنی پیرس اولمپکس مہم گو آغاز شاندار انداز سنگ کیو۔ اس طرح مرداں غی ٹیم نے تیسرو مقام حاصل کیو تے خواتین غی ٹیم نے رینکینگ راؤنڈ مانہ چوتھو مقام حاصل کر غے کوارٹر فائنل مرحلہ مانہ جگہ بنائی۔

Budget Discussion JK

لوک سبھا نے اچ 25/2024 گا مرکزی زیر انتظام علاقہ جموں کشمیر غا بجٹ ور دوپا رہ بحث شروع کی ہے۔ بحث مانہ حصو لیتاں واں بی جے پی غا جگہل کشور نے کہیو جے یوہ بجٹ معاشی تے سماجی نقطہ نظر سنگ اہم ہے اور لوکاں واسطے فائدہ مند ثابت وے گو۔ انہاں نے کہیو جے بجٹ مانہ ڈھانچہ، ذراعت، ہنر مندی، روزگار اور توانائی ور زور دتو کیو ہے۔ جناب شرما نے مزید کہیو جے آن آلا سالاں مانہ لکھاں نوجواناں نانہ ہنر غی تربیت دتی جائے گی۔ جموں کشمیر غا بجٹ پارے بولتاں واں انہاں نے کہیو جے یوہ مرکزی زیر انتظام جموں کشمیر غی بہتری اور ترقی واسطے ہے۔ جناب جگہل کشور نے کہیو جے ذراعت، سیاحت، دیہی ترقی، صحت، تعلیم، کھیڈ، اور ہنر غی تربیت ور توجہ دتی گئی ہے۔ تے ان شعباں واسطے رقم مختص وی کی گئی ہیں۔ انہاں نے کہیو جے جموں کشمیر مانہ دفعہ 370 غی منسوخی توں بعد بے مثال ترقی بو رہی ہے۔ بحث مانہ حصو لیتاں واں پنچایتی راج غا وزیر راجیو دنجن سنگھ نے کہیو جے نریندر مو دی حکومت غی تیجی مدت غے دوران ملک نانہ خود کفیل بنان ور لگاتار کم کیو جا رہیو ہے۔

T20 Women Asia Cup

خواتین ایشیا کپ ٹی ٹوائٹی کرکٹ مانہ سری لنکا غا رنگیری دمبولہ بین القوامی کرکٹ میدان مانہ اچ پہلا سیمی فائنل مانہ بھارت نے بنگلہ دیش نانہ 10 وکٹاں نال برا غے فائنل مانہ جگہ بنا لی ہے۔ واضح رہے جے اس تیں پہلاں بھارت گروپ اے مانہ سر فہرست رہیو جد کہ بنگلہ دیش گروپ بی مانہ دوجے نمبر ور رہیو۔ دوجا سیمی فائنل مانہ سری لنکا غی خواتین غو مقابلو اچ رات پاکستان نال شام 7 بجے وے گو۔

Govt PMBJK

سرکار نے 31 مارچ 2027 تک ملک پھر مانہ 25 ہزار پر دھان منتری بھارتیہ جن آشودھی کیندر یعنی (پی ایم بی جے کے ایس) کھولن غو بدف مقرر کیو ہے۔ اچ لوک سبھا مانہ اک تحری جواب مانہ کیمیائی کھاد غی وزیر مملکت انوپریا پٹیل نے کہیو کہ گذشتہ جون تک ملک پھر مانہ بنیا دی ذرعی کریڈیٹ سو سائٹیاں مانہ 5 سو 47 پر دھان منتری بھا رتیہ جن آشودھی کیندر کھولیا گیا ہیں۔

اس غے نال ہی خبراں غو یوہ بلیٹن ختم بوؤ۔